

Malittarisassat

“Nunat avannarliit killiit illoqarfittut pingaarnersaasa aningaasaateqarfiat Nuuk, Reykjavik, Tórshavn”

Ateq siunertarlu

§ 1

Aningaasaateqarfiup aterraa “Nunat avannarliit killiit illoqarfittut pingaarnersaasa aningaasaateqarfiat - Nuuk, Reykjavik, Tórshavn”.

§ 2

Aningaasaateqarfiup siunertaraa, Reykjavík-ip Kommuniata, Tórshavn-ip Kommuniata Kommuneqarfik Sermersuullu akornanni politikerit innuttaasullu akornanni paaseqatigiittarnerup suleqatigiinnerullu makku aqqutigalugit nukittorsarneqarnissaat:

- kulturikkut, ilinniartitaanikkut kiisalu timersornermut aningaasaliissuteqartarneq
- nunani avannarlerni killerni illoqarfittut pingaarnersaanermi ajornartorsiutaasartunik maanakkut pisunik immikkut sammisaqarnikkut paarlaasseqatigiittarneq

Aningaasaqarneq

§ 3

Aningaasaateqarfiup pigisai tassaapput Reykjavík-ip Kommuniata, Tórshavn-ip Kommuniata Kommuneqarfik Sermersuullu ukiumoortumik 100.000 DKK-nik aningaasaliissuteqarnerisigut aningaasaatigineqartut, kiisalu taakkunannga isertitaqaatit. Imaappoq, aningaasaateqarfik ukiut taamaasa 300.000 DKK-nik amerlassusilinnik aningaasaliiffigineqartarpoq. Aningaasaateqarfik pigisaminik kisimiilluni akisussaasuvoq.

Imm. 2. Aningaasaateqarfiup pigisai isertitaalu tapiinissamut siunertatut paragraffi naapertorlugu siulersuisut naliliinerisigut atorneqassapput.

Imm. 3. Missingersuutit naatsorsuutillu eqqarsaatigalugit aningaasaateqarfik Tórshavn-ip Kommuniata angerlarsimaffeqarpoq. Tórshavn-ip Kommuniata nunat pingasuusut missingersuutaasa naatsorsuutaasalu suliarinissaat akisussaaffigai.

Imm. 4. Kukkunersuisut aningaasaateqarfiup allattaaviinut oqaaseqaatinik, naatsorsuutinut kiisalu siulersuisut aningaasatigut ingerlatsinerannut atatillugu ilannguttariaqartunik oqaaseqaatissaqarunik allattassavaat.

Imm. 5. Aningaasaateqarfiup pigisai, isertitai aningaasartuutaalu pillugit siulersuisut ukiut tamaasa Aningaasaqarnermut ataatsimiititumut naatsorsuutit saqqummiussisassapput ukiup naatsorsuutisiorfiusup naannginnerani kingusinnerpaamik qaammatit sisamat qaangiuppata.

Siulersuisut

§4

Aningaasaateqarfik siulersuisunut ilaasortanit katillugit qulingiluanit aqunneqarpoq, tassaasut borgmesteri aammalu kommunalbestyrelsimut/illoqarfiup siunnersuisoqatigiivinit ilaasortat marluk, illoqarfiit pingaarnersaannit pingasuusunit tamanit.

Imm. 2. Siulersuisut qinigaaffiat kommunalbestyrelsip/illoqarfiup siunnersuisoqatigiivisa qinigaaffiat malissavaat. Siulersuisunut ilaasortat aningaasaateqarfimmi sulinerminni ataatsimiinnersiaqanngilat.

Imm. 3. Kommunit tamarmik immikkut taasisinnaapput aalajangererillu amerlanerussuteqarnikkut pisassapput.

Imm. 4. Malittarisassat allanngorteqquneqarpata imaluunniit allanngortinneqarnissaat naleqquppat, tamanna pissaaq Reykjavik-imi illoqarfiup siunnersuisoqatigiivini, Tórshavn-ip illoqarfiata siunnersuisoqatigiivini aamma Kommuneqarfik Sermersuumi kommunalbestyrelsimi taasisut amerlanerussuteqarnerisigut.

Ataatsimiinnerup ingerlanneqartarnera

§5

Siulersuisut aningaasaateqarfimmi pisariaqartitsineq naapertorlugu ataatsimiittarput. Taamaattorli immikkut ittumik ataatsimiinneq ukiumut ataasiarluni juunip qaammataa naatinnagu pisassaaq, Nuuk, Reykjavik Tórshavn-ilu paarlakaajaallutik ataatsimiiffiusassallutik. Siullermik 2000-imi Reykjavik-imi.

Imm. 2. Illoqarfiup ataatsimiiffiusup ataatsimiigiarlut akunnittarfimmiinnerat il.il. akilertassavai, ataatsimiigiarlut angalanermut aningaasartuutit akilertassallugit.

Imm. 3. Illoqarfiup ataatsimiiffiusussap ataatsimiinnerup ingerlanneqarnissaanut immikkullu sammisqaarluni ataatsimiiffiunissaanut piareersaatissat tamaasa akisussaaffigai.

Imm. 4. Illoqarfiit tamarmik aningaasaateqarfimmut qinnuteqarnissamut piffissaliussap nalunaarutiginnissaa isumagisassavaat.

Imm. 5. Siulersuisut pisussaaffigaat qinnuteqartitsineq allattuiffeqartissallugu. Allattuiffimmi tassani malittarisassat aammalu ataasiakkaat atuulerrissaat naatsorsuutigisaq, aningaasaateqarfimmit kikkut aningaasaliiffineqartarnerisut, aammalu nalunaarutit allat paasissutissallu aningaasaateqarfimmut soqutiginaateqarsinnaasut.

Qinnuteqartitsineq

§ 6

Siulersuisut aningaasaliinissaq aningaasallu amerlassusissaat aalajangereerpassuk, kommunimit angerlarsimaffiusumit qinnuteqartut aalajangerneq pillugu nalunaarfigineqassapput. Aningaasaateqarfiup aningaasaliissutai aaqqissuussisoqarneranut assigisaanilluunniit pisoqarneranut atatillugu missingersuutinik tunniussinikkut tunniunneqassapput.

Imm. 2. Aaqqissuussineq assigisaaluunniit pereerpat, naatsorsuutit nassuiaatillu aningaasaateqarfimmur nassiunneqassapput.

Aningaasaateqarfimmi sinneqartooruteqartoqassappat taakku ataatsimoortumik aningaasaateqarfimmur utertinneqassapput.

Imm. 3. Aningaasaliissutigineqartut ulloq tunniussifiusoq qaangiuppat ukioq qaammatisiuteqarfiusoq qaangiutsinnagu atorineqassapput. Tamanna naammassineqanngippat, aningaasat aningaasaateqarfiup aningaasaliissutissatut atogqitassaanut utertinneqassapput. Kisianni immikkut ittumik pisoqartillugu malittarisassaq taanna immikkut akuersissuteqarfigineqarsinnaavoq.

Politikkikkut immikkut sammisaqarnerit

§ 7

Ukiumoortumik ileqquusumik ataatsimiinnermut sivitsorullugu politikkikkut immikkut sammisaqartoqartassaaq nunat avannarliit killiit illoqarfiisa pingaarnersaanni ajornartorsiutaasartut pillugit. Immikkut sammisaqartarnermi siunertarineqarpoq illoqarfiit pingaarnersaannut pingasuusunut piffisami maannakkut pineqartumi ajornartorsiutigineqartunut tunngasuunissaat.

Stk.2. Siulersuisut pisussaapput politikkikkut immikkut sammisaqarnerup imaqarniliorneqarnissaa-nik. Tassani suna politikkikkut suna sammineqarnerisoq allanneqassaaq, tamassuma nassatari-saanik isumaliutigineqartut suunersut immaqalu ataatsimoorussamik aalajangiussa.

Atuutilerfik

§ 8

Malittarisassat uku atuutilerput taarserlugu Kommuneqarfik Sermersuup kommunalbestyrelsianit ulloq 17. marts 2009, Reykjavik-imi illoqarfimmi siunnersuisoqatigiit ulloq 30. maj 2000-imi aamma-lu Tórshavn-imi illoqarfimmi siunnersuisoqatigiinnit ulloq 24. juni 1999-imi akuerisaq.

Imm. 2. Malittarisassat atsiorneqarneranni atuutilissapput.

Taamaasillutik akuersissutigineqarput

Reykjavíkimi illoqarfinni
siunnersuisoqatigiinnit

Tórshavn-imi illoqarfiup
siunnersuisoqatigiivinit

Kommuneqarfik Sermer-
suumi kommunalbestyrel-
simit